

Čoahkkáigeassu

Ovttastallan – Mánnábearrašiid sáme kultuvrralaš doarjjafierpmádat

SámiSoster rs ollašuhtii Ruhtautomáhtaovttastusa doarjagiin jagiin 2007-2010 Ovttastallan – Mánnábearrašiid kultuvrralaš veardásašdoarjjafierpmádaga ovddidanfidnu, man ulbmilin lei gárggiidit bearrašiid veahkin bargovuogi sáme kultuvrralaš návccaid vuodul

Fierpmádaga hábmemis ávkástalle sápmelaččaid árbevirolaš vugiiguin hábmet sosiálalaš fierpmádagaid ja doalahit daid. Gávnnahuvvui, ahte fierpmáiduvvama stivrejit geavatlaš bargan, sohka, árbevirolaš ealáhusaid fierpmádat ja jahkodatjohtin. Ovddideami ráhkadussan meroštalle bearašleairraid, mat dorjot bajásgeassima ja ovttastallama sihke semináraid, mat dorjot váhnenvuođa ja mánggakultuvrralašvuođa. Nu maiddá kurssaid ja ságastallandilálašvuođaid ja fierpmáiduvvanbeivviid iešguđetge temáid mielde, mat dorjot mánggaid sohkabuolvaid ja sápmelaš luondogaskavuođa sihke elektrovnnalaš doarjjafierpmádaga.

Ovttastallan –fidnu álggaheami duohken lei dárbu doaimmaide, mat dorjot sámebearrašiid veardásašdoaimma ja árgga njuovžilvuođa. Dasa lassin bearrašat dárbašedje veahki sápmelaš bajásgeassimii ja árbevieruide laktáseaddji áššiin. Bearrašiid árgabeivái váikkuhedje ee. sámeservodagas dáhpáhuvvan nuppástusat. Dakkárat leat omd. sápmelaččaid eretfárren sáme guovllus, lagašbearraša ja ássanvugiid rievdan, mii váikkuha sosiálalaš servoša rievdamii, mánggakultuvrralašvuođa lassáneapmi bearrašiin seamma áigge go birastahtti servodat lea ollislaččat suomagielat ja servodaga doarjja mánnábearrašiid sáme kultuvrra ja giela doarjumis lea uhcci. Bearrašiin lei eakti fuolla das, mo sii sáhttet doarjut mánáideaset oassálastima árbevirolaš kultuvrra bargguide ja eallinvugiide dego bigálusaide, guollebivdui, sámedujiide, meahcis johtimii, dola cahkkeheapmái jna.

Fidnu ollašuhttui olles sáme guovllus ja das váldojuvvojedje vuhtii sáme kultuvrra guovloguovdásaš erohusat. Doaibma temábeivviin ja leairrain lei geavatlaš bargan guđege temá mielde ja dat ollašuhttui sápmelaš jahkodatjohtima vuodul. Prošeavtta bargiid lassin temábeivviin ja leairrain ledje mielde sápmelaš resursaolbmot bargamin, rávvemin ja muitaleamen temái laktáseaddji bargguin, áššiin ja mearkkašumiin. Kultuvra resursaolbmot ledje boarrásut olbmot, geain ledje nana dáiddut ja dieđut ee. luonddus, dujiin, ealáhusain, borramušárbevieruin, jna. Jahkásaš leairrain ledje bearrašiid ovttastallama lassin mielde sápmelaš- ja guovttegielatbajásgeassima áššedovdit. Fierpmádaga doaimmaide bearrašat bovdejuvvojedje rávdnjepoastalisttuin, mii čohkkejuvvui sin lobiin, dieđihemiin sámirádios ja báikkálašaviissain sihke gávppiid almmuhantávvaliin. Dasa lassin diehtu jođii johtilit njálmmálaččat.

Fidnu áigge gárggiiduvvui Ovttastallan – sáme kultuvrralaš doarjjafierpmádat -málla, mii doarju bearrašiid ja lea mearkkašahtti sidjiide. Málla nanosmahtta sihke bearrašiid gaskasaš veardásašdoarjaga ja sáme kultuvrra ja dan sáhtta ollašuhttit boaitto bealguovllus. Dán raporttas lea govviduvvon sáme kultuvrralaš doarjjafierpmádaga dárbu, hábmen ja doaibma.

Áššesánit: sáme kultuvrralašvuohta, bearaš, veardásašdoaibma